



**UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE**  
**ASSOCIATION OF FORESTRY ENGINEERS AND TECHNICIANS FEDERATION OF BOSNIA AND HERZEGOVINA**  
**T.R.N.: 1011010000430716 - Privredna banka Sarajevo**  
**ID: 4200201050000; P.B.: 01078773**

---

**IZVJEŠTAJ O RADU**  
**UDRUŽENJA INŽENJERA I TEHNIČARA ŠUMARSTVA**  
**FEDERACIJE BOSNE I HERCEGOVINE - UŠIT FBiH ZA 2014. GODINU**

U skladu sa Planom rada Udruženja inženjera i tehničara šumarstva Federacije Bosne i Hercegovine za 2014. godinu koji je usvojen na XII. Redovnoj Skupštini Udruženja inženjera i tehničara šumarstva Federacije Bosne i Hercegovine, a koja je održana dana 20.03.2013. godine na Ilidži, te u skladu sa Odlukama i Zaključcima Predsjedništva iz 2014. godine, Udruženje je provodilo sljedeće aktivnosti tokom protekle godine:

**JACANJE KAPACITETA I**  
**UNAPREĐENJE ORGANIZACIJSKE STRUKTURE UDRUŽENJA**

- U skladu sa zakonskim rokovima izvršena je preregistracija ovlaštenih lica za zastupanje i predstavljanje Udruženja kod Federalnog ministarstva pravde i Privredne banke dd Sarajevo.
- Stvarajući predušlove za efektivnije funkcionisanje i aktivniji rad Udruženja, nastavljena je praksa omasovljanja članstva Udruženja, dostavljanjem novih pristupnica za pojedninačna članstvo u Udruženju.
- Radi transparentnosti rada i približavanja aktivnosti rada Udruženja članstvu, pokrenuta je Facebook stranica Udruženja.
- Iako sa određenim problemima, nastavljene su aktivnosti na promociji koncepta individualnog i kolektivnog članstva svih šumarskih institucija, preduzeća, te ostalih pravnih subjekata, te smo u sklopu te aktivnosti dobili dva nova – stara kolektivna člana i to: Srednja škola za okoliš i drveni dizajn Sarajevo i JP „Bosanskohercegovačke šume“ Sarajevo.
- Nastavljeno je kontinuirano održavanje WEB stranice Udruženja u skladu sa mogućnostima. U toku su aktivnosti na redizajnu web stranice Udruženja, koja bi znatno bila unapređena, ukoliko bi se dostavljali prilozi, obavještenja i novosti iz institucija i preduzeća šumarstva sa područja cijele FBiH.
- Obavljena dva sastanka sa kolegama iz Udruženja šumara USK-a “Grmeč” u ŠPD-u “Unsko-sanske šume” doo Bosanska Krupa, povodom realizacije Operativnog plana Udruženja za 2014. godinu i aktuelne problematike vezane za kolektivno članstvo i zamrzavanja njihovog članstva.
- Učešće na konferenciji UNDP-a u Sarajevu na temu ostvarenih rezultata UNDP/GEF projekta „Zapošljavanje i sigurno snabdijevanje energijom korištenjem biomase u Bosni i Hercegovini“.



**UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE**  
**ASSOCIATION OF FORESTRY ENGINEERS AND TECHNICIANS FEDERATION OF BOSNIA AND HERZEGOVINA**  
**T.R.N.: 1011010000430716 - Privredna banka Sarajevo**  
**ID: 4200201050000; P.B.: 01078773**

---

- Održan sastanak sa Udruženjem građana „Ruke“ koje vode akciju pošumljavanja “Let's do it - milion sadnica za 1 dan”, sa ciljem potpisivanjem Ugovora o saradnji, gdje bi Udruženje koordiniralo aktivnosti i učestvovalo kao koordinator aktivnosti i prisustvovalo svim press konferencijama i drugim javnim istupima po projektima. Nažalost nije došlo do potpisivanja Ugovora o saradnji radi prestanka aktivnosti pomenute organizacije i nepridržavanja dogovorenih aktivnosti.
- Zbog slabe internet konekcije na Šumarskom fakultetu u Sarajevu koju je koristilo Udruženje i nemogućnosti pristupa zvaničnom mailu Udruženja putem te konekcije, Predsjedništvo je donijelo odluku da Udruženje obezbjedi vlastiti internet pristup do iznosa od 30,00 KM/mjesečno, što je i urađeno.
- Izvršena je humanitarna akcija prikupljanja pomoći za školovanje djece preminulog člana Udruženja Mirzeta Kopića.
- Nabavljena je neophodna oprema za rad kancelarije Udruženja:
  - Tri nova kancelarijska ormara.
  - Izvršena nabavka Rollup banera Udruženja.
  - Nabavljen je fotoapararat Canon EOS 1100D za potrebe Udruženja, što svakako doprinosi kvalitetnijem prezentiranju i informisanju članstva i javnosti.
  - Nabavljen je eksterni hard disk za arhiviranje elektronske dokumentacije Udruženja.
  - Izvršena je nabavka novog Philips monitora od 18,5 inča, za potrebe Udruženja.
- U cilju kvalitetnije saradnje za razliku od prethodnih godina, održan je sastanak sa predstavnicima Hrvatskog šumarskog društva Bosne i Hercegovine, gdje su se utvrdile zajedničke aktivnosti u narednom periodu, od čega je svakako finansiranje i zajedničko izdavanje časopisa „Naše šume“.
- Nije bilo aktivnosti u radu Savjeta šumarskih udruženja Bosne i Hercegovine (SŠU BiH).
- Udruženje je produžilo Ugovor o zakupu poslovnih prostorija na Šumarskom fakultetu u Sarajevu do 31.12.2015. godine pod istim uslovima i cjenama kao i prethodnih godina.

## OSIGURANJE STABILNE FINANSIJSKE KONSTRUKCIJE ZA FUNKCIONIRANJE UDRUŽENJA

Rad Udruženja neminovno su pratile teškoće povezane sa problemima rada šumarske privrede tokom 2014. godine uzrokovane lošim vremenskim prilikama. Nači kolektivni članovi su objektivno bili u nezavidnoj finansijskoj situaciji, što se manje više odražavalo na rad Našeg udruženja. Ipak, u većini slučajeva su uspješno izvršavali svoje obaveze prema Udruženju.



**UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE**  
**ASSOCIATION OF FORESTRY ENGINEERS AND TECHNICIANS FEDERATION OF BOSNIA AND HERZEGOVINA**

**T.R.N.: 1011010000430716 - Privredna banka Sarajevo**

**ID: 4200201050000; P.B.: 01078773**

---

- Izvršeno je potpisivanje i realizacija bilateralnih ugovora o kolektivnom članstvu sa preduzećima šumarstva za 2014. godinu i ostalim zainteresiranim pravnim licima, te iako nisu u potpunosti ispunjene obaveze prema Udruženju, zbog velikih problema šumarske privrede, značajno je istaći doprinos svih kolektivnih članova na izmirivanju preuzetih obaveza.
- U sklopu realizacije Operativnog plana rada Udruženja inženjera i tehničara šumarstva Federacije Bosne i Hercegovine za 2014. godinu, predstavnici Udruženja boravili su u posjeti kolektivnim članicama Udruženja, ŠPD "Srednjobosanske šume" doo Donji Vakuf, JP „ŠPD ZDK“ d.o.o. Zavidovići i JP „Šume TK“ d.d. Kladanj. Nastavak aktivnosti po ovom pitanju će se nastaviti u tekućoj godini.
- U toku 2014. godine Udruženje nije apliciralo na druge međunarodne projekte, već su nastavljene aktivnosti u saradnji sa kolegama iz Turske.
- Realiziran projekat organizacije svečanosti povodom obilježavanja Međunarodnog dana šuma pod pokroviteljstvom Uprave za šumarstvo SBK.
- Zahvaljujući kolektivnim i pojedinačnim članarinama, angažmanu članova Predsjedništva, predsjednika Skupštine i sekretara Udruženja, izvršena je finansijska konsolidacija i stvorene pretpostavke za dalji rad Udruženja, koji će uz još veći angažman svih članova Udruženja biti sa pozitivnim finansijskim rezultatom.
- Kroz bilateralne kontakte sa kolektivnim članovima, realizirano je izmirenje zaostalih obaveza pojedinih kantonalnih preduzeća po ranije potpisanim Ugovorima.

**UKLJUČIVANJE UDRUŽENJA U AKTUELNA PITANJA U VEZI ŠUMARSTVA,**  
**JAČANJE SARADNJE NA NACIONALNOM I MEĐUNARODNOM NIVOU**  
**I UNAPREĐENJE ŠUMARSKE STRUKE**

- Udruženje je dalo puni doprinos u skladu sa svojim kapacitetima i mogućnostima na organizaciji i obezbjeđenju programa posjete BiH za 5 stručnjaka iz Generalne direkcije za borbu protiv desertifikacije i erozije Ministarstva šumarstva i vodoprivrede Republike Turske, koji su imali za cilj da snime stanje u BiH nakon poplava, te predlože resornom ministarstvu načine i mogućnosti pomoći Bosni i Hercegovini nakon poplava.
- Data su čvrsta obećanja da će se aktivnosti na finalizaciji projekta "Park šume Prijateljstva", započeti do maja mjeseca 2015. godine, te su usaglašene dalje aktivnosti na zajedničkim projektima oko edukacije, u različitim poljima šumarstva, protivpožarne zaštite i dr.
- S obzirom na aktuelne probleme šumarske privrede, zdravstvenog stanja šuma i nedostatka adekvatne legislative u oblasti šumarstva Federacije Bosne i Hercegovine, u organizaciji



**UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE**  
**ASSOCIATION OF FORESTRY ENGINEERS AND TECHNICIANS FEDERATION OF BOSNIA AND HERZEGOVINA**

**T.R.N.: 1011010000430716 - Privredna banka Sarajevo**

**ID: 4200201050000; P.B.: 01078773**

---

Udruženja inženjera i tehničara šumarstva Federacije Bosne i Hercegovine (UŠIT FBiH) održan je 20.11.2014. godine na Šumarskom fakultetu u Sarajevu, sastanak direktora šumsko privrednih/gospodarskih društava, kantonalnih resornih ministarstava i uprava za šumarstvo, predstavnika Federalnog ministarstva poljoprivrede, vodoprivrede i šumarstva, Federalne uprave za šumarstvo, Šumarskog fakulteta, glavnog Federalnog i kantonalnih šumarskih inspektora i Hrvatskog šumarskog društva BiH. Nakon iznešene diskusije svih učesnika navedenog sastanka usvojeni su zaključci koje je Udruženje prosljedilo na odgovarajuće adrese kantonalnih i federalnih institucija.

- Udruženje se obratilo Otvorenim pismom javnosti i vlastima u BiH, a povodom prijetnje ogromnih šteta u šumama i šumarskoj privredi sa nesagledivim posljedicama sa porukom da samo hitne, vanredne akcije svih nadležnih institucija i preduzeća šumarstva, mogu zaustaviti katastrofu koja je na pomolu.
- Povodom aktuelnih problematike šumarske privrede FBiH, ugroženosti zdravstvenog stanja šuma, nedostatka adekvatne zakonske legislativne u oblasti šumarstva FBiH, te povodom obilježavanja 11. decembra - Međunarodnog dana planina, predstavnici Udruženja su gostovali na nekoliko televizijskih (TV SA i RTV TK) i radijskih kuća (Radio Kalman, Radio FBiH i Radio Slobodna Evropa), upoznavajući javnost sa problematikom šumarske privrede i aktivnostima Udruženja na prevazilaženju problema šumarske privrede, obilježavanju značajnih ekoloških datuma, te planovima i aktivnostima Udruženja za naredni period.
- Nije bilo aktivnosti u radu Savjeta šumarskih udruženja Bosne i Hercegovine (SŠU BiH).
- Udruženje se kao i prethodnih godina u više navrata, pismenim putem obraćalo nadležnim institucijama izvršne i zakonodavne vlasti u Federaciji BiH, izražavajući duboku zabrinutost povodom lošeg stanja u oblasti šumarstva na nivou Federacije Bosne i Hercegovine, te negativnim posljedicama koje isto može izazvati, uz naglasak da Udruženje stavlja na raspolaganje sve svoje kapacitete da pomogne, pogotovo kod izrade i donošenja adekvatne zakonske regulative, koja bi omogućila unapređenje razvoja sektora šumarstva u Federaciji BiH. Nažalost, kao i prethodnih godina, ovi dopisi Udruženja dosada nisu rezultirali adekvatnom reakcijom od strane onih kojima su bili upućeni.
- U saradnji sa Federalnim ministarstvom poljoprivrede, vodoprivrede i šumarstva FBiH, Udruženje je učestvovalo u dočeku i organizaciji programa delegacije UNDP-a i Generalne direkcije za šumarstvo Republike Turske po GEF projektu, a koja je brojala oko 20 učesnika. Učešće su uzele i kolege iz Makedonije, Kosova i Crne Gore.
- U saradnji sa Šumarskim fakultetom u Sarajevu i KJP „Sarajevo šume“ organiziran program za profesore i apsolvirane Šumarskog fakulteta Sulejman Demirel Univerziteta Isparta iz Republike Turske.



**UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE**  
**ASSOCIATION OF FORESTRY ENGINEERS AND TECHNICIANS FEDERATION OF BOSNIA AND HERZEGOVINA**

**T.R.N.: 1011010000430716 - Privredna banka Sarajevo**

**ID: 4200201050000; P.B.: 01078773**

---

- Upriličena posjeta delegaciji Udruženja kod gospodina Hanifi Avčija, generalnog direktora Generalne direkcije za borbu protiv desertifikacije i erozija Ministarstva šumarstva i vodoprivrede Republike Turske.
- Udruženje je uzelo učešće na trećem Le:Notre Landscape Forumu, koji je nosio naziv “LE:NOTRE Extraordinary Landscape Forum Sarajevo 2014”. Tema Forumu je bila “Sarajevo – jedinstvo različitosti: kulture, značenja i pejzaž u tranziciji”. U radu Forumu su učestvovalo oko 60. gostiju i zvanica iz više zemalja Evrope.
- Udruženja inženjera i tehničara šumarstva FBiH je uzelo učešće na seminaru “Ekološko korištenje biomase za grijanje i energetiku” i “Razvoj šumarstva u Bosni i Hercegovini putem prenosa iskustava iz Republike Češke”.
- U cilju promocije šumarske nauke i struke, a u sklopu aktivnosti koje provodi Udruženje u tešanjskoj gimnaziji održan ekološki čas.
- U sklopu obilježavanja Međunarodnog dana šuma i održavanjem Izborne Skupštine Udruženja na platou ispred Općine Ilidža upriličena je sadnja sadnica.
- Udruženje je uzelo učešće povodom 22. aprila Dana planete zemlje, koje je u Kantonu Sarajevo obilježeno pošumljavanjem i čišćenjem lokaliteta “Park šume Prijateljstva” na Grdonju.
- Predstavnicima Udruženja upriličen je prijem kod novog ambasadora Republike Austrije u Bosni i Hercegovini njegove ekselencije gospodina Martina Pmera.
- Učešće na sastancima Grupacije šumarstva i drvne industrije Privredne komore Federacije Bosne i Hercegovine.
- Predstavnicima Udruženja je upriličen prijem u Turskoj ambasadi u Sarajevu kod njegove ekselencije gospodina Džihada Erginaja.
- Unapređena je saradnja (intervjui, prilozi i sl.) sa medijima, radi unapređenja odnosa s javnošću i promoviranja značaja šumskih resursa i šumarske struke u javnosti.
- Udruženje i pored svega izloženog izražava spremnosti da konstruktivno saraduje sa svim relevantnim subjektima u oblasti šumarstva u zemlji i inozemstvu u cilju očuvanje šumskih resursa i unapređenja razvoja sektora šumarstva u BiH i promociji šumarske struke u javnosti.

**IZDAVAČKA DJELATNOST, STRUČNI RADOVI, OBRAZOVANJE,  
SEMINARI I SAVJETOVANJA**

- Iz vlastitih sredstava štampano je drugo izdanje Fotomonografije “Šume Bosne i Hercegovine” koje se štampalo u 500 primjeraka.



**UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE**  
**ASSOCIATION OF FORESTRY ENGINEERS AND TECHNICIANS FEDERATION OF BOSNIA AND HERZEGOVINA**

**T.R.N.: 1011010000430716 - Privredna banka Sarajevo**

**ID: 4200201050000; P.B.: 01078773**

---

- Radi iskazane potrebe, Predsjedništvo Udruženja je donijelo odluku da se poveća tiraž časopisa Naše šume i od broja časopisa 34-35, tiraž iznosi 1.000 primjeraka što će zavisiti od finansijske situacije u Udruženju. Nažalost kao i prethodnih godina evidentno je sve slabije dostavljanje članaka od kolega sa terena.
- Imenovan novi saziv Savjeta i Redakcije časopisa „Naše šume“ ispred Udruženja i Hrvatskog šumarstvog društva BiH.
- Štampana su dva dvobroja časopisa Naše šume za kalendarsku 2014. godinu.
- Na Akademiji nauka i umjetnosti Bosne i Hercegovine promovirana fotomonografija „Šume Bosne i Hercegovine“. Promotor je bila prof. emer. dr. Dubravka Šoljan, a pored nje prisutnima su se obratili i prof. emer. dr. Vladimir Beus i prof.dr. Mersudin Avdibegović.
- Izvršena je realizacija projekta obilježavanja Međunarodnog dana šuma na području SBK, koji je realizovan sa Kantonalnom upravom za šumarstvo SBK putem prezentacija i promocijom fotomonografije.
- U toku su aktivnosti na pripremi novih izdavanja publikacija Udruženja, eko kalendara, te monografije munike u BiH.

#### STRUČNE EKSKURZIJE I MEĐUNARODNA SARADNJA

- Nastavljeno je kontinuirana korespodencija sa Generalnom direkcijom za šume Republike Turske, kao i TIKA-om (Turske agencije za razvoj i saradnju) što je rezultiralo zvaničnom posjetom šestočlane delegacije Udruženja, koju su činili predstavnici preduzeća i institucija šumarstva FBiH, novom generalnom direktoru Generalne direkcije za šumarstvo Ministarstva šumarstva i vodoprivrede Republike Turske, gospodinu Ismailu Uzmezu,.
- U saradnji sa Mađarskim šumarskim udruženjem započete aktivnosti na odlasku 40. djece šumara sa područja pogođenim poplavama. Nažalost, zbog kratkog vremena nakon poplava iako je poziv prosljeđen u sva šumarstva BiH, nije bilo prijavljenih te je ova aktivnost ogođena za kvalitetniju pripremu za naredni period.
- Na 46. EFNS-u koji se održao u dalekoj Finskoj u mjestu Kontiolahti, Udruženje je uložilo napore kako bi se kvalitetno pripremio i organizirao odlazak, te je uz aktivno učešće 8 kolega šumara iz cijele države, zastava Bosne i Hercegovine se zavijorila i u dalekoj Finskoj.
- Organizirana sedmodnevna stručna posjeta u Republiku Njemačku (Pokrajinama Hessen i Baden Wuertenberg). Termin je pomjeren u kordinaciji sa kolegama iz Njemačke sa oktobra 2013. godine za oktobar 2014. godine. Tema posjete: Primjena savremenih tehnologija u iskorištavanju i uređivanju šuma.



**UDRUŽENJE INŽENJERA I TEHNIČARA ŠUMARSTVA FEDERACIJE BOSNE I HERCEGOVINE**  
**ASSOCIATION OF FORESTRY ENGINEERS AND TECHNICIANS FEDERATION OF BOSNIA AND HERZEGOVINA**  
**T.R.N.: 1011010000430716 - Privredna banka Sarajevo**  
**ID: 4200201050000; P.B.: 01078773**

---

- Sekretar Udruženja Azer Jamaković, dipl. ing. šum. imenovan za novog Teamleadera bh. šumara pri Organizacionom komitetu EFNS-a umjesto prof.dr. Mersudina Avdibegovića koji je podnio ostavku.
- Izvršene pripreme za kvalitetno učešće na 47. EFNS-u, koji će se održati u Lenzerheide u Švicarskoj i za koji je prijavljeno 11. učesnika od čega devet takmičara.
- Udruženje je iako uz mali broj prijavljenih učesnika, tradicionalno organiziralo odlazak šumara na dvanaesti po redu Međunarodni sajam šumarstva INTERFORST 2014. – Minhen.
- Započete aktivnosti na odlasku stručne ekscurzije za Srbija - Mađarska, za april 2014. godine na temu: Šumarstvo i gospodarenje sa lovnom divljači, prolongirani su za 2015. godinu.

Sve navedene aktivnosti realizovane su uz značajna finansijska ograničenja i manji budžet, imajući u vidu aktuelnu ekonomsku situaciju u BiH i stanje u sektoru šumarstva.

Predsjedništvo

Udruženja inženjera i tehničara šumarstva

Federacije Bosne i Hercegovine